

武夷山志卷之二十三

武夷董天工典齋編集男勅校刊

五言律詩

悼武夷山僧

唐僧貫休

萬疊仙山裏無緣見有緣紅心蕉繞屋白額虎同禪古木  
苔封菌深崖乳雜泉終期還此去世事祇如然

懷武夷紅石子

常思紅石子獨自在任山椒窗外猩猩語爐中姹姹嬌乳香  
諸洞滴地秀衆峯朝曾見奇人說烟霞恨太遙

武夷山

宋楊億

武夷山志卷之二十三

詩 五言律

靈岳標真牒孤峯入紫氛藤蘿暗仙穴猿鳥駭人群古栢  
千年在懸流萬壑分漢壇秋蘚駁會祀武夷君

問明仲遊武夷日

劉子翬

兀兀聽涼雨開門雪漲川獨行楓葉底秋興鴈行邊老去  
無多事閒知有勝緣何時縱仙舸我亦願周旋

泛舟武夷

林希逸

傍晚拏舟入身知在畫圖石平疑削玉湍急見跳珠仙跡  
迴環是峯各轉側殊竹間人指點俱識有先儒

遊武夷

孟晉

昔聞仙子宅今幸過琳宮溪曲三三水山環六六峯翠雲



飛送雨白鶴舞凌風好景遊歸悅簫聲縹緲中

武夷卽事

林天瑞

長卿非慢世陶令已辭官解組投蓮社逢人戴鷓冠青天  
不可問白髮若爲看偶遇壺丘子皈心就大丹

武夷

趙時栗

千古武夷山來尋九轉丹雲封拜章石月洗步虛壇白玉  
何勞煮丹霞自可餐未窮溪九曲願有畫圖看

五曲

元徐和

平林山雨歇天柱眼中明峯合疑無路溪流忽有聲石門  
秋月冷鐵笛野霜清松竹何人間蒼蒼萬古情

武夷山志

卷之二十三

詩  
五言律

二

雪後舟泊武夷

明藍仁

泊舟青嶂下回首翠微間殘雪孤村樹歸雲何處山石門  
無犬吠松徑有僧還書劍空漂泊山林未得閒

題九曲權歌圖

龍伯章

仙境由來異溪流九曲清水從天上落舟向石間行瀟灑  
一時興風流二子名翻思舊遊處彷彿權歌聲

武夷紀遊

黃嘉賓

眞境非人世平生夢見之杖藜來獨晚冒雨看尤奇九曲  
將窮處一春欲盡時風塵吹客袂臨發又遲遲

峽口回望幔亭諸峯

劉侃



春陰翻碧嶂花氣繞芳洲却望虹橋上蒼蒼雲木稠天蟠  
九曲水山蟲五城樓何事秦皇使遙從海外求

自楚宦遊歸泛舟尋九曲之勝

林 命

尚繞三湘夢還爲九曲遊水從天上轉舟向鏡中浮春信  
溪梅報晴光野霧收群仙知不遠鸞鶴卽峯頭

結山盟

陳 省

早步雲隨屐宵眠月近床峯竒如鬼削巖古有舟藏野竹  
生蓬徑溪光上草堂閒來何所事薜荔剪衣裳

新霽入武夷

蘓茂相

長途淹積雨爽氣忽今朝勝具吾何減山靈或見招雲鬢

武夷山志

卷之二十三

詩

五言律

三

臨寶鏡芝蓋下虹橋親授長生藥森森白玉苗

武夷山

鄧元岳

東南形勝地俯仰見茲山窟宅竒如此仙靈杳不還草荒  
丹竈冷雲護幔亭閒便欲凌風去虹橋不可攀

三入武夷紀遊二首

史繼偕

駐馬尋幽約山行一徑斜如何臨客路便自入仙家羽士  
供來酒樵兒採得茶庭前雙桂樹茲已見三花  
經壑雲仍在循欄蘚更生童應看客慣鳥似同人鳴瑞靄  
猶丹竈明霞自赤城便圖高枕卧隨意聽鸞笙

春暮遊武夷三首

曹學佺



小嶺登偏疾危橋度信遲水耕欲動石亭挂寄生枝谷口  
雲如故泉源竹屨移風光應上代但說是秦時  
歸舟半夜月寂寂萬年宮兩岸欲深合前山如不通寒星  
印沙白林火雜花紅笑殺幔亭宴人間曲易終  
峭壁不可越登攀費折旋孰知接笋路卽在隱屏前石上  
松梯疊峯頭木碓懸天游已自樂何必慕飛仙

武夷山居

藍智

嘉遯依巖穴清齋飯蕨薇花源隨水入茅屋共雲歸夜鼎  
芙蓉水秋山薜荔衣沙頭雙白鳥知爾解忘機

遊武夷二首

宋應昌

武夷山志

卷之二十三

詩  
五言律

四

一入神仙境幽竒誰復過潺潺飛玉液曲曲隱雲窩  
駐若來蓬島槎疑出絳河桃源今在此何爲武陵多  
仙人不可見今且問仙遊水繞層巒合山迴碧玉流丹爐  
空古跡架壑嘆虛舟自愧生涯薄參同何處求

丙夜再泛九曲五首

畏宗周

不盡前宵意今宵復進舟仙凡來去別溪月古今流倚櫂  
生寒靄長歌起宿鷗莫論夷與險拚到九溪頭

水迴山便合一曲一乾坤玉女雲鬟濕仙舟夜壑存波心  
皆印月峽口總爲門瞰蕉同游侶尋常安足論

溪景看無極山花總可憐天香風外度丹嶂霧中縣漁火



沈波小蟾光貌扇偏寥寥塵事斷如在混茫前  
萬竹孤亭際寒燈未掩門天游明日事水宿此中村沙白  
偏留月灘洪不受誼群真何許集我是舊曾孫  
落落星辰勘霞光百道流犬雞田舍曙原隰稻花秋未遂  
樓雲願聊爲獵勝游桃源存古洞天意總悠悠

遊武夷山三首

錢行道

鸞鷲天中起芙蓉掌上開真人驟鶴降神女獻花來簾挂  
晴空雨濤轟臘月雷不須過弱水躡屩訪蓬萊  
鮮滑磴難梯嵐深路易迷嶙峋千尺笋屈曲九迴溪瑤草  
眠青犢珠林唱碧雞仙家無旦暮幾日自東西

武夷山志

卷之二十三

詩

五言律

五

斜陽宜晚對飛翠滿崢嶸好鳥渾相識奇花莫辨名卧遊  
曾入夢延覽重合情未即完婚嫁猶然愧向平

崇邑郊外望武夷

曹惟才

武夷好山水幾載夢魂間吏事總乘暇仙緣恰未慳溪光  
環漾壁峯靄幻成爛未到棲真處塵心已半刪

以武夷紀游諸作寄吳穉生

君學貫丘索堪作諸史臣名山漢篆古鈔墨晉人新石笈  
誰司鑰雲航此問津沾沾訂合社長醉武陵春

游武夷

勞堪

六六武夷峯峯頭翠萬重臺虛丹竈冷幔捲白雲封鐵笛



橫吹月天風度遠鐘儻逢洞空子携手跨飛龍

遊九曲

朱若玉

曲曲躡仙踪溪環紫氣重空壇懷控鶴古洞欲投龍  
瑶草吹輕袂靈芝生短筇亭亭倚天末三十六芙蓉

遊五曲

林堯俞

隱屏山下路精舍白雲窩石古留苔蘚門閒長薜蘿  
無人吹鐵笛有客唱漁歌孤棹乘流去雲深柰別何

武夷二首

章袞

白浪翻丹壁清風吹翠條幽人頻漱玉羽客善吹簫  
王子來何暮張仙去已遙鹿門還落落孤負紫芝苗

武夷山志

卷之二十三

詩

五言古

六

落日千巖靜孤峯半壁浮鳥鳴雙嶂合龍蟄一潭幽  
桂館經年夢蓬萊此日游王維如可作泚筆共仙舟

重遊武夷寄贈

林灊

勝槩舊登臨仙源復此尋未能謝塵網聊且散幽襟  
九曲春潭綠千巖古木深何由借茂宰山水入鳴琴

遊武夷

林煙

幾度覓仙踪幽人不可逢壇空餘漢祀松古類秦封  
九曲澗入千崖紫翠重何時結茅屋擬住最高峯

重遊武夷

沈明臣

九曲六移舟青山且卧遊嶂霞高可拾水月近誰收  
幽意



吾真得神仙不易求徒憐函有蛻毛竹使人愁

武夷紀遊

閔壽卿

芳鄰接瓊瑤高傍幔亭西人向中林隱舟從曲澗迷塵空  
潛野馬谷曉報天鷄分付桃花瓣無令出此溪

武夷

楚和叔

九曲溪山勝三春花木新閒操詩畫舫共載管絃人嘉賓  
陳朱橘芳鮮膾紫鱗宴遊不覺遠斜日挂嶙峋

遊武夷

胡宗明

萍梗借仙侶乾坤此壯遊奇峯丹耀日曲水碧澄秋洞古  
雲長濕林深靄不收權欲殺在耳靜聽意悠悠

武夷山志

卷之二十三

詩  
五言律

七

重泛武夷遂窮九曲之勝

張于壘

洞庭猶未隔往返此間行雲影浮常碧波光淺亦清諸峰  
皆異態一石或雙名倚棹逢松籟蕭蕭鼓吹聲

武夷卽事

藍澗

丹碧神工布乾坤此武夷虹橋事已杳精舍澤猶垂未極  
觀瀾與何妨帶月遲歸來衣染露此後更勞思

送友人還武夷

黃景昉

裴東天然異囊中有幔雲客行因問字吾友雅談文未冷  
消團扇何書寫練裙歸舟能爲我遣訊武夷君

鼓棹漫興四首

方以智



多年山有夢今日始逢君九曲乘秋水諸峯學夏雲草堂  
遺額在丹竈借香薰定踏天遊頂從吾指掌分  
白瀨穿三峽青萍插四圍大王丹捲幔玉女翠披衣壁罅  
藏橋板巖痕拂釣磯夕陽紅葉落坐看晚烟飛  
奇山逢曠士呼喚不徒然高視雲千疊平收月一船鍊郎  
連杜韞金谷有車錢誰爲安名字供人掃墨烟  
陽朔江稍小梅川梯更多群峯皆拔地一葦許隨波劈斧  
從今悟懸崖自古摩忽然雲蓋覆評者欲如何

遊武夷

張楸

玄島開真境丹工迴世塵只疑靈洞口別有避秦人雲氣

武夷山志

卷之二十三

詩  
五言律

八

漸生晝花源不記春虹橋仍許度朱紱未淹身

寒夜入武夷止宿道家

崔崑

仙犬護幽欄林扃誰爲開奇峯高士館寒夜故人杯竹雪  
冷猿夢松濤墮鳥毳可能呼月出長嘯共登臺

石鼓村渡溪入武夷

曹惟才

佳山夙所好渡口便忘餐奇態誰家畫清音何處彈石房  
藏秘錄雲竇鍊真丹搜索千秋事寧將遊冶看

長安憶武夷二首

國朝鄭重

不少抽簪意猶遲躡屐緣關山雖縹緲巖壑正纏綿自信  
心如水平誰能骨似仙虹橋如未斷縮地許相聯



紫陽各教地精舍跡猶新老我將尋樂同誰共問津至今  
崇正學懷古湖前因道義文章事綢繆有碩人南豐湯君與予夙契

有期我南旋鼓吹  
武夷之說故云

### 遊武夷二首

龐 塏

岸轉山門近樓臺結構雄欲窮九曲水先到萬年宮靈蹟  
得曾有風光迥不同題墻憐故友嘆息意何窮壁有潘稼  
堂題詩  
漁艇朝初上籃輿亦自隨登峯強老力絕壑暢游思到眼  
皆佳境題詩少妙詞磨崖留姓氏聊與後來知

### 遊武夷宿萬年宮

陳 銓

向晚忘歸處停橈古觀前危樓啣暮景宿鳥喚晴烟樹鬢

### 武夷山志

### 卷之二十三

詩  
五言律

九

山門迴巖高野殿偏半床雲霧裏卧對一燈懸

### 武夷偶詠

金蘭友

讀史披秦漢茲山歷幾年老彭述古後司馬壯遊先削劣  
疑無地槎枒尚有舡昔人難下筆何處問真詮

### 送草堂隱武夷

辛卯

王 梓

先生真大隱脫屣視浮名堪羨摩雲鶴深慚出谷鶯當春  
山更麗避地水方清一棹夷猶去談經繼夙盟

### 初春遊武夷

衷雲龍

策杖入山行關關春鳥鳴雪消苔蘚出風暖薜蘿生衆壑  
開新霽諸峯逼太清一生幾兩屐因思古人情



題金井

邱光晉

石磴盤空入忽然異象明溪光飛鳥渡野色過橋迎翠露  
渾無語嬌花故弄情流連羸片刻樵唱兩三聲

武夷春遊

衷集成

遊覽夷山勝無峯不口斜晴巖長吐霧晚壑浸流霞瑤草  
迎風舞琪花襯景葩林柯忙採摘新茗賽抽芽

復古洞訪梓生上人

藍振剛

鐵板孤峯下虛巖屋數間開窓惟白水捲幔盡青山竹影  
茶烟細松聲鶴夢閒斯游逢慧遠如在虎溪還

遊武夷

吳亦璘

武夷山志

卷之二十三

詩  
五言律

十

一水環幽壑紆迴借逕深曲橋通石塢僧榻傍巖陰黛巖  
山全染雲歸樹半沉望臺高磊石空曠好憑臨

五曲

衷槐林

山深探未盡且漾曲流邊奇到行無路靈因說有仙蛻函  
何纍纍虹板自年年獨仰先賢蹟千秋書院傳



七言律詩

遊武夷山

朱劉子翬

回薄溪流漾翠岑東風一扇縱幽尋幔亭落日笙簫斷  
竹連雲洞府深似有碧雞翔木杪誰將丹鶴寫巖陰  
神仙可學非身外多少遊人浪苦心

致中招原仲遊武夷却寄

病暑冠裳與體忘一塵幽僻得深藏微風時度澗光活  
殘日忽無山氣涼但想子綦方隱几終慚南郭謾連床  
何時九曲尋幽事船尾應須着漫郎

武夷山中次韻趙清獻陰字詩

武夷山志

卷之二十三

詩  
七言律

十一

石磴雲房隱澗陰昔年清獻此清吟鳳池人物終難繼  
花縣風流直到今三尺翠碑遺墨在一林寒竹暮烟深  
平生景仰高名久敢負他時直愛心

同詹明誠傅茂元游晞真館有詩因次其韻

橘柚紅垂古觀秋歸途邂逅得尋幽晴莎散策隨山遠  
夜月回舡信水流勝處無詩端可恨他時有酒更來遊  
相陪二妙生平友老矣襟期共一丘

致中相拉遊武夷有六耳不同謀之語原仲和章意

似未平也因次原韻

年衰漸涸玉池津擬丐明牕一七塵底用趨風防六耳須



知對影已三人高情政喜追靈運飽學那容欠大椿右挈  
左提俱有賴應憐懷抱久傾囷

武夷紀遊

楊時

濃淡烟鬟半雨晴溪光初借晚霞明鰲頭湧出三峯秀天  
漢融成一鑑清粉社有誰藏舊牒賓雲無處問遺聲幔亭  
寂寞仙何在勾漏丹砂早晚成

寓居武夷

蔡元定

數間茅屋環流水布被黎羹飽煖餘不向利中生計較肯  
於名上著工夫窓前野馬閑來徃天際浮雲自卷舒窮達  
始知皆有命不妨隨分老樵漁

武夷山志

卷之二十三

詩  
七言律

十三

卜築五曲謁精舍

熊禾

當年衛道大賢功人士今知有學宮日嘆升堂慚董子豈  
無笑列議韓公儒風濟濟衣冠舊世事茫茫塵網中我已  
結茅溪九曲飛鳴尙許翹天風

遊武夷

李綱

行行路近武夷山秀氣蜿蜒百里間蒼石插天雲縹緲碧  
溪通壑水彎環神仙恍惚誰能識洞府深沉自不關我向  
湖中如得路便應脫屣謝塵寰

武夷紀遊

林嶮

武夷山樹曉陰陰無數長岑接短岑怪石月沈蒼虎立老



松風起黑龍吟小舟洞口流泉急斜日溪邊落葉深我欲  
幅巾携杖去數椽茅屋傍疎林

武夷紀遊

陳 襄

萬疊層巒接遠空瑞雲晴靄氣溶溶高於太華五千仞秀  
出巫山十二重蕙帳曉寒孤鶴怨桃源春盡落花濃鳳鸞  
一嘯最深處仙客樓臺何處逢

遊武夷

徐清叟

垂老征途出武夷高人應怪我來遲骨凡空想同亭會才  
拙難賡信國詩流水三三宗海急高峯六六倚天竒漫遊  
何日茲歸隱分與玄猿白鶴期

武夷山志

卷之二十三

詩  
七言律

十三

武夷紀遊

葉夢鼎

重來襍被叩雲扉清夢先從九曲飛三十日前堅有約半  
千里外較遲歸已呼漁艇安茶具更着羊裘伴羽衣洞裏  
溪山煩指點若爲仙竈若爲磯

遊武夷

葉 采

六六峯前碧玉流經行復此駐蘭舟喚回三紀神仙夢且  
上九霄雲闕游但恐塵勞添白髮政須高舉訪丹丘歸來  
世念如水釋更取叅同讀幾周

泛舟

詹師文

九曲烟霞景若何移舟曲曲泛清波丹峯絕頂籠花木碧



洞當門掛薜蘿仙逕鶴翻松露下古潭龍蟄水雲多紫陽  
去後閒風月獨向平林倚權歌

夏入武夷

范師孔

幾與溪山絕世緣重來猿鳥只依然懸崖野瀑飄成雪近  
午嵐霏暗盡天水向未疏須認禹山如深入定逢仙中有  
石鼎烹雲處此夜還來借榻眠

題武夷

杜本

天下各山此最奇溪潭澄徹路透迤塵埃滾滾終難到樓  
閣重重未易窺況是高人能閱世儘多勝處可題詩十年  
來往追尋遍似與山靈有夙期

武夷山志

卷之二十三

詩  
七言律

十四

遊山卽事

范心遠

路入清溪第二灣東風猶自逗餘寒白雲粘地掃不去黃  
葉戀枝吹未乾沙上濕痕誰涉水天邊長嘯獨憑欄道人  
酒意無濃薄飲盡携琴月下彈

武夷山

薩天錫

三十六峯飛翠寒手携玉杖叩玄關神仙曾到有遺跡天  
地已來無此山木杪樓臺浮海上月中笙樂奏雲間天宮  
借得寧王笛騎取蕭郎赤鳳還

遊武夷

林錫翁

琴劍來遊冲佑宮道人指引看仙蹤扁舟蕩漾三三水一



日廻還六六峯仙蛻有函丹竈冷洞天無鎖白雲封壽真  
更覓桃源路回首雲山幾萬重

武夷留題

劉公孫

石洞秋風一咲歸水縈山合兩相持人言曲曲秋偏好我  
爰峯峯雨更竒鐵笛不吹空有月幔亭同宴又何時天荒  
地老無窮意未許青松白鶴知

憶武夷

孟惟誠

碧水長涵太古春丹山猶憶武夷君仙人樓閣層層石玉  
女衣裳片片雲浮海靈槎巖上見懸崖機杼月中聞相傳  
絕頂無人到漫有藤梯掛洞門

武夷山志

卷之二十三

詩  
七言律

十五

武夷謾興

王仲敬

丹碧煌煌倚天開雲間宮闕眞蓬萊武夷九曲勿深秘遼  
鶴千載重歸來玉女修儀誇絕世金鷄一唱驚九垓我惟  
移舟問大隱神仙蛻骨同飛灰

武夷春泛

龔善同

武夷深處訪眞仙仙跡微茫不記年砍竹彈琴歸藥圃開  
籠放鶴下芝田百花庄外三杯石九曲溪頭一線天總是  
春風行樂地不妨載酒更移船

舟泛九曲

徐仲遊

楓葉蘆花兩岸秋幔亭高影落中流乘舟偶託山陰興  
潑



月何如赤壁遊野鶴不知天地老一尊都散古今愁此行  
清絕憑誰記付與滄浪兩白鷗

遊武夷憇萬年宮作

王逸

九曲溪邊泊畫船探幽特訪武夷仙丹峯翠壁倚瓊樹白  
石清泉生紫烟草閣夜深天似水琳宮春暖日如年文公  
更有讀書室萬疊白雲護簡編

重遊武夷

王申伯

五載塵埃雪鬢侵停車又復此登臨溪聲洗淨是非耳山  
色挽回名利心松翠不凋雲外老柳黃初變雨中深隱屏  
仙子開皇極款乃清歌好重尋

武夷山志

卷之二十三

詩  
七言律

十六

遊武夷

徐廣

一葉輕舟九曲潄隔山鐘磬杳沉沉溪流東去銀河瀉仙  
氣西來紫霧深鐵笛一敲玄鶴醒澄潭千尺白龍吟清時  
不羨登封事漢時秦壇鎖夕陰

遊武夷

貢師泰

蒼龍飛起崖中斷九曲溪流直上天架壑舟船遺故物幔  
亭簫管會真仙大王巖下雲初散玉女峯前月正圓聞聽  
擢歌聲未已忽看孤鶴下翩翩

遊武夷

王翰

十月霜飛琪樹凋溪迴九曲萬峯遙按圖不倩漁郎引載



酒何煩玉女邀聽徹金雞醒鹿夢醉驂黃鶴上虹橋前巖  
大隱多幽勝叢桂青青更可招

入武夷

毛玉函

折徑微通紫翠巔杖藜携酒亦欣然簷楹隱見雲中觀畧  
徇高橫木杪烟畫鶴千年留石壁架船幾度見桑田溪流  
漾出桃花片疑有秦時避世賢

入武夷

車東

一望昇真開野烟此行端是結仙緣步穿空翠雲生脚仰  
看飛流雪滿肩控鶴不來春寂寂卧龍無底月娟娟飄然  
便作乘風想不待丹成到九天

武夷山志

卷之二十三

詩  
七言律

十七

武夷

謝肇淛

一片丹山翠萬重寒流曲曲倒芙蓉曾孫宴罷空留幔玉  
女粧成幻作峯雲裏水簾天畔雪月中鐵笛院前鐘紫芝  
瑤草憑誰采笑駕青鸞問赤松

武夷答鍾僉憲

明藍仁

萬壑天清木葉乾早梅花發拂雕鞍霜隨使者觀風節月  
過仙人禮斗壇鳳去絳雲簫韻遠龍歸滄海劍光寒石崖  
俯見扶桑日一枕游仙夢未殘

寄武夷張郭二山人

天壺峯頂日月轉星渚橋畔雲烟垂青溪道士騎黃鶴白



髮老翁歌紫芝濁酒欲謀它日醉丹砂須作後天期塵埃  
滿眼不歸去洞裡桃花空夢思

寄余復嬰鍊師居玉蟾丹室

湖海歸來挂一瓢玉蟾丹竈待重燒內經黃帝留針訣三  
品神農辨藥苗楓葉漁舟波澹澹茶烟禪榻髮瀟瀟高秋  
擬借峯頭鶴共爾吹笙向汶寥

賡張宗翰舟過武夷述懷 二首

丹霞白鶴洞仙宮絕頂當年避地同春雨磯頭憂巨浸夕  
陽林下眩殘虹先機自合乘槎去投老方驚墮甌空九曲  
濯歌期再聽寄聲鷗鷺少從容

武夷山志

卷之二十三

詩  
七言律

六

荒榛滿目故儒宮憶昔風雩樂趣同年代已隨川上水文  
光無復斗間虹黃埃赤日遮平地高石層陰起半空昨暮  
維舟西渡口濯纓猶勝抗塵容

武夷

葉俊

武夷山下萬年宮九曲溪頭一棹通流水落花尋古道平  
林過雨見群峯幔亭人去雲連壑華表仙歸月滿松正好  
相期間丹訣天風午夜客船東

題九曲濯歌圖

林熙

武夷奇絕名天下詩客登臨感興多石壁雲霞開紫錦玉  
清樓觀倚星河幔亭不復聞仙樂九曲誰能繼濯歌猶有



紫陽遺構在隱屏千古立嵯峨

過武夷

偶桓

幔亭勝槩名天下馬首觀瞻數往還樓閣迴臨丹井上神仙多在絳霄間石膚翠疊三姑袂峯頂雲堆玉女鬟安得歸來一洗耳清流九曲聽潺湲

泛舟入武夷至平林渡

林弼

十年三過武夷山翠壁丹崖嘆莫攀茶竈烟消天地外擢歌穀斷水雲間虹橋未許秦王識鶴馭空隨漢使還惟有溪源通泗水一泓千古對孱顏

登武夷山

趙麟

武夷山志

卷之二十三

詩  
七言律

十九

三十六峯秋氣清翩然鸞鶴珮環穀客留明月山中宿人在白雲天半行溪路碧桃深九曲洞天瑤草問雙成神仙有約不可到更擬重來話此生

遊武夷

夏原吉

觀風偶入武夷行隨處登臨見物情燒藥爐空無鶴守讀書堂古有蟬鳴烟光隱隱千峯碧溪水盤盤九曲清安得攀躋最高頂相尋仙子學長生

武夷泛舟二首

聶大年

秋香扶我過仙家玉犬眠雲石徑斜九曲溪山閒日月萬年宮殿老烟霞吟筇尚帶瑤階蘚渡舫曾撐翠竹沙回首



雲深何處覓洞簫吹落碧巖花

翠壁丹崖圖畫裏輕舟短棹水雲間不宗朱子元非學者  
到武夷方是山竊祿自憐黃髮暮忘機空羨白鷗閒明朝  
玉女峯前路臨水插花開笑顏

武夷

柯潛

叠叠青山面面分烟霞爲宇石爲門雲巖蛻骨由秦漢苔  
壁題詩盡宋元人世屢更新歲月仙家猶是舊乾坤黃冠  
羽客垂垂老知是錢鏗幾葉孫

武夷謾詠

林萬潮

千里乘槎入武夷十年幽夢負安期獨攜避世盧敖杖來

武夷山志

卷之二十三

詩  
七言律

二十

詠游仙郭璞詩玉女峰頭秋月吐金鷄洞口暝雲移不須  
萬丈飛霞頂控鶴人歸復幾時

雨泛九曲忽霽欣然成韻

黃懋官

雨過峯巒翠欲流風吹落葉碧潭秋棹迴溪曲通孤嶂樹  
擁山堂出小舟白鶴青牛人已遠金龍玉簡跡還留分明  
自有尋真路大藥何須海上求

舟中望武夷

周瑩

沙頭落日暫維舟咫尺名山負勝遊望裏雲霞高閣晚吟  
邊烟月半溪秋仙人羽化何年去詞客詩名到處留多少  
雅懷題不盡前程付與一登樓



遊武夷

王守仁

肩輿飛度萬峯雲回首滄波月下開海上直為蒼水使山中又遇武夷君溪流九曲初諳路精舍千年始及門稍待還家慰垂白細探更擬在春分

遊武夷宿冲佑觀偶作

鄭善夫

日落溪廻天柱陰峯前雲木正蕭森古堂衾枕秋燈淨永夜風雷山雨深漠北不聞麟鳳信海濱空寄蕨薇心結廬欲擬南陽卧抱膝長歌梁父吟

重遊武夷

周宣

十年踪跡偶尋遠色蒼然破曙陰瑶草細添溪影淨紫

武夷山志

卷之二十三

詩  
七言律

二十一

霞高擁門深玉笙不寫人間譜玄鶴能傳雲外心欲倚舊吟還自咲懸知來者亦如今

武夷漫題

林大輅

不識虹橋路淺深幔亭天樂豈知音何年避世無烟火別洞昇真祗橘林金鼎空調龍虎性滄洲終寄水雲心函中仙蛻應憐汝日短荒烟生晝陰

再到武夷

林

茅屋曾居憶此中白雲滿地紫苔封月明石洞花千樹鶴舞瑶臺山萬重一去紅塵迷客路重來丹竈覓仙蹤道人搖艇溪邊至載酒同尋六六峯



遊武夷

田賦

武夷山上有虹橋今日來遊半劫消仙骨未昇遺往跡玉  
書空在記前朝氤氳雲氣千峯合宛轉溪流九曲造讀罷  
權歌清興擁不勝詩思逼秋霄

興田道中望武夷

游璉

興田驛路人家遠烟火依稀出遠山蔗圃秧分疎雨外茶  
烟人語亂雲間半生戀闕心空赤五馬之官鬢欲斑獨坐  
肩輿懷正惡武夷遙望一開顏

九曲泛舟

聞人銓

天崖踪跡幾名山鹿苑鴛峯日往還山色獨憐溪上好風

武夷山志

卷之二十三

詩  
七言律

二十二

尤真覺洞中間漁舟刺水坐來穩鶴馭梯雲去莫攀返巖  
入江樽欲罄不知九曲是人間

重遊武夷

鄭大同

五十年來三度遊洞天依舊枕丹丘秋山一帶浮烟薄曉  
澗雲隨曲水流采秀有人來藥圃尋源無路問漁舟斜陽  
未倦探竒興猶借天遊一榻留

歲暮過武夷山地主邀予登眺不暇盃酌而去聊賦

二首 考其時益  
聞警亟去

王杼

人間喜遇有丹丘歲暮相邀賦壯遊日麗諸峯添秀色雲  
深九曲鎖寒流主賓漫擬東南美盃酒難消今古愁策馬



度溪仙路遠三更幕府待傳籌

素心久負碧山期  
客與扁舟問武夷  
犬吠白雲驚笑語  
馬嘶落日閃旌旗  
峯頭玉女空相望  
劍外風塵祇自知  
此去洞天還杳絕  
桃花流水繫人思

重入武夷

黃灝

悠悠清興滿丹山  
八十餘齡幾度攀  
舟自天河探月窟  
身從絳闕禮仙班  
亭前鐵籬風聲迴  
洞裏金龍雨色閒  
我是曾孫曾與宴  
霞綃鶴髮尙朱顏

武夷秋泛

萬虞愷

何處名山愜勝遊  
武夷烟景故相留  
金雞報罷千巖曉  
鐵

武夷山志

卷之二十三

詩  
七言律

二十三

笛吹殘九曲秋  
神女插花雲拂鏡  
仙翁倚棹壑懸舟  
紫陽晚照澄潭淨  
欲向滄浪理釣鈎

遊武夷四首

徐中行

振衣秋色起嵯峨  
萬壑千崖一棹過  
峯落鏡中開洞府  
槎浮樹杪出天河  
境遺五嶽登封晚  
海接三山秘檢多  
他日掛冠經此地  
扣舷處處好高歌

扁舟載酒任逶迤  
路轉峯迴面面奇  
絕壑乍疑塵世隔  
澄潭更與暮秋宜  
風吹簫管千山應  
瀑帶藤蘿百尺垂  
十載武夷堪撫掌  
褰帷三過一題詩

檻外三峯列翠屏  
武夷絕頂此明庭  
溪通銀漢星辰濕  
山



礙高天日月停尙有殘霞垂碧落忽看孤隼破青冥若非  
閑尹占真氣誰識東方是歲星  
陡壁雙開澗道幽提携賦客泛清秋平移鰲頂千峯立倒  
瀉銀河九折流玉女飛來霞作障仙人卧處石爲樓共知  
超覽天游盡更躡虹梯到上頭

三遊武夷

馬欵

曲曲溪流面面山半搖空碧半烟鬟懸崖隱樹雙梯險深  
院眠花一鶴閒霞彩亂虹機散綺墨痕經雨石成斑姓名  
自是無人識舊壁題詩取次刪

言遊武夷道中撫景因憶往年尙賓呂君天台之約

武夷山志

卷之二十三

詩  
七言律

二十四

徐渭

巖壑千重路轉偏春陰漠漠帶炊烟倦投野店聊呼酒咲  
問名山數舉鞭籠鳥對人喧曙色桃花臨水弄新年多情  
忽憶天台約歸去應尋剡曲船

重遊武夷

詹仰庇

千巖萬壑共鬼峩松桂陰深曉雨過瑶草無人迷去蹟仙  
槎有路泛明河行窮碧水飛塵遠轉盡丹山宿靄多十載  
生還重到此臨風一醉漫狂歌

送顧山人遊武夷

汪道昆

爾從滄海杖青藜又向丹丘問紫芝雲散仙翁邀客處雨



來玉女洗粧時振衣空谷遙聞籟倚棹中流坐詠詩漫道  
幔亭成獨往好將瑤草寄相思

遊武夷

李得陽

窈窕尋幽歷翠微夷猶孤棹自忘歸青山爲我收靈雨碧  
水憑誰挽落暉萬丈虹橋仙已去千年華表鶴還飛道人  
本是忘機客欲向滄浪買釣磯

雨中遊武夷二首

葉向高

宴罷仙靈杳莫拔不堪風雨妒青山桃花忽入窮源去春  
水重乘小艇還玉簡剝殘秦漢後鸞笙吹落有無聞他年  
更結尋真約乞得丹砂好駐顏

武夷山志

卷之二十三

詩  
七言律

二十五

群峯朶朶吐青蓮曲曲溪流帶曉烟每恨登臨多對雨但  
逢山水卽尋仙十年春草無游屐三月桃花有客船正是  
諸真高會處行雲玉女倍堪憐

遊武夷

何喬遠

漢時秦壇不記年游人還拜十三仙雲崖黃木猶餘壑寶  
圃青芝何處田天上瓊芽栽玉露人間落葉噪哀蟬幔亭  
峯頂橋雖斷猶可歸來一刺船

武夷四首

王士昌

九曲危峯九曲灣勝游重此遂躋攀誰披造化寰中秘幻  
出神奇海上山天半舟航嵐氣蝕洞門碑碣蘚痕斑晴霽



夜靜聞虛籟疑是群真控鶴還

折筍孤撐一綫微樵青採藥過人稀源深疑悞漁郎棹石  
立如支織女機鷲嶺千盤凌日起虹橋百丈駕雲飛雨餘  
空翠成涓滴半濕遊人薜荔衣

人間何處覓方壺清淺蓬萊事有無墜骨仙人金檢秘凌  
霄漢女玉顏孤微茫幔捲山亭迴斷續雲迷洞壑殊還憶  
余家各勝地紫芝白石未荒蕪

草深丹竈冷無烟水面看山漫扣舷瀑瀉銀河珠錯落花  
開青嶂錦鮮妍九華醜罷松枝老三秀餐餘石髓堅自幸  
盧敖游興劇名區到處可隨緣

武夷山志

卷之二十三

詩  
七言律

二十六

初入武夷

徐燾

道緣為重世緣輕總屬閒遊豈計程九曲仙班邀鶴馭半  
空天樂奏鸞笙經旬絕粒拋烟火到處行歌變姓名多少  
函中遺蛻在不知若個是前生

遊武夷四首

曹學佺

冲佑丹宮古萬年松篁夾道暗秋烟十三名姓登仙籍百  
二峯巒隱洞天控鶴巖前雲冉冉投龍洞裡草芊芊我來  
重結昇真宅地主難逢魏子騫

丹井遺蛻不知年方外尋真思渺然仙橋堂空碁撒局御  
茶園廢竈無烟峯頭亂插虹橋板渡口難移架壑船忽聽



玉笙散縹緲步虛已近大羅天

青山心賞未應違却為攀躋是覓歸石筍亭亭天在削雪  
花漠漠水簾飛雲邊玉女臨粧鏡溪上漁郎隱釣磯千載  
登臺訪遺跡魏王此地舊更衣

烟霞來往任閒身訪道探玄自有鄰竈煖雲窩陳處士劍  
寒風洞白並人依依橘院堪歸隱汎汎桃源好問津絳節  
飄颻天樂響玉皇殿下列穉臣

題武夷

江維禎

東風幾泛九溪船漫向人間覓洞天魚鳥久忘秦歲月烟  
霞猶護漢山川乘龍人去雲蹤杳控鶴誰傳月馭旋彩幔

武夷山志

卷之二十三

詩  
七言律

二十七

峯頭天柱頂何時重侍列仙筵

寄懷九溪漁父

江騰鯉

九溪深處似嚴灘渺渺風塵白眼看葉艇每隨幽嶂出荈  
房孤掩落花殘芙蓉衣上雲千片楊柳磯頭月一竿釣罷  
瓦餅曾共醉滿身冷露不知寒

懷僧病雲

衲衣曾禮武夷君偶爾相逢曲水濱賈島逃禪終愛酒維  
摩卧病只因雲寒潭一鑑搖秋色落葉千秋鏤夕照天外  
故人吟有句月明好入定中聞

劉道人曲水



鏡笛溪頭夜落梅絕憐塵慮冷如灰一生閑意非詩句幾  
度牆頭過酒醅潦倒拚成山水癖迂疎一任暑寒催生平  
雅有誰同調相訪多從月下圓

九曲泛溪

曹惟才

峽裡移舟勢絕竒隨灣指點聽舟師嶺頭日落紅沉玉水  
面山來青列眉應接不遑處子杖逶迤到處郭家詩好山  
不慮無錢買但得游時却是宜

武夷謾咏

楚和叔

不着荷衣不着巾浪遊長嘯謝風塵隨時花鳥入新句到  
處雲山總舊鄰潦倒三朝逢聖主歸來九曲訪仙真溪邊

武夷山志

卷之二十三

詩  
七言律

二十八

落日移孤櫂還向漁郎一問津

九曲晴泛

江山

宿雨初收水繞灘輕舟棹入九溪灣層層曉樹浮蒼靄曲  
曲晴峯擁翠鬟人立斷崖知有路雲堆深谷似無山一聲  
長嘯壺天杳疑是游仙跨鶴還

止宿武夷

烟霞臺觀晚冥冥天柱峯前道士迎石鼎傳香烹玉茗絳  
紗籠燭照銀屏風吹古洞藤千尺月滿層樓鶴一羣倦倚  
繩床清夢好夜深蝴蝶繞蓬瀛

同林守一李元仲林君若陳英子洪尊光鄭牧仲游



武夷四首

甲申出山作

黃道周

一再經過好下車  
鷄盟深創到枯魚  
慚將殘夢酬新局  
悔不肩雲註舊書  
世外星辰輕作客  
山前猿鶴老愁予  
不知晉魏飄零後  
多少高人此卜居

石樓曲折紫崖陰  
見爾長懸綺皓心  
未必琪花生鐵嶂  
果然芝草似危岑  
闕將直氣防來鑿  
撲得樵風老不禁  
從此便迴俗士駕  
故山石笋細蕭森

溪雲太瘦石泉癭  
閒却溪叢老釣徒  
瓊榻不爲高士下  
紫囷可有素書無  
林間鹿起三珠樹  
竈下人通五嶽圖  
最憶嚴灘灘上路  
羊裘藉草共樵蘇

武夷山志

卷之二十三

詩  
七言律

二十九

簾洞雲深溯未從  
輕舟波駛失從容  
三生嶺外無多逕  
石鼓崖前又數峯  
鶴爪擘窠分水脉  
魚鱗着樹上油松  
日斜欲出裴村路  
媿聽幔亭子夜鐘

甲申冬同洪尊光林守一鄭牧仲林君若侍黃漳浦  
師於武夷次韻送行三首  
李世熊

鳧子騎烟破翠微  
絮雲零亂擁峯肥  
疾輪過影蹉無地  
一足跼行天有機  
掛壁定猿如學道  
遊空夢鳥辨誰非  
碧霄振轡家常事  
豈藉車翰決俗圍

功成留鄴好相從  
一笑桃花駐舊容  
但不誤人完萬行  
何爲訶佛住孤峯  
久知天罅須銘石  
未到霜零豈識松  
揮指



袖寒還納手鷄穀斲枕愕聞鐘

雨花屑玉落紛紛一席星辰渙小群  
獄瀆不隨人聚散尼淵何敢漫離分  
雛賓咽水絲能語岷蜀移山鐘已闌  
但祝地天如好友川巖從此淳風雲

賦得一路看山到武夷送周元亮先生入閩

黎士弘

畫書載去筍輿輕半踏風烟入鳥程  
細路能生情曲折遙峯屢費夢逢迎  
十洲手著傳圖史萬壑身先待主盟  
人與靈山高異並幔亭雲爲使君生

初入武夷二首

張堯政

武夷山志

卷之二十三

詩  
七言律

三十

人間何處可尋仙暫息囂塵叩洞天  
歷數碧流紆九折直窮丹巘迴孤鶩  
峯頭琪草函眞蛻津口桃花引釣船  
異日誅茆還此地願從太姥乞玄詮

層巒如畫刺天青衆壑奔流儼建瓴  
弄影水禽嬌自語飄風漁笛遠堪聽  
堂開三友人何處館憇游仙夢未醒  
卽此棲眞堪解脫神仙何必更揚舲

再入武夷二首

屐彷彿東山恣勝游高情互對此丹  
井瀑聲忽送千峯雨雲氣常陰萬木  
秋漢碣蘿函封禪古秦壇苔鏤篆文  
留遙看風露平分處雞犬桑麻興復悠



磴入藤蘿一徑斜紫崖丹壁老烟霞長松閒滴寒林露古  
澗時芳野藻花名利繇來隨逐浪雲山到處可停車何當  
卜築千峯裏洞口桃花第幾家

同錢飲光李磊英入武夷

方以智

扁舟一筆老來同天地藏身託畫工出世相逢黃葉裡有  
人先住碧雲中信知巖壑非凡骨且拾滄洲入藥籠對面  
寫成歌擊節何須雀躍問鴻濛

孟冬同無可禪師李磊英居士遊武夷山

無可方太史以智磊

英即鍾鼎也

錢秉鐙

萬年宮外復初齊緩權言窮九曲溪雲散曉風嬌玉女日

### 武夷山志

#### 卷之二十三

詩  
七言律

三十一

窺仙洞伏金鷄荒亭幔撤稀聞宴絕壁虹收尚可梯賴是  
仙人親指點花源深處不愁迷

碧樹霜餘半嶺紅冬晴乘興遠公同懸崖躡壁攀真慣淺  
水浮槎去僅通題句可遭遊宦客辨訛須問住山翁大師  
選勝思栖隱勸我休心老此中

聞到天遊客罷遊果然此踞最高頭方知曲曲山迴轉合  
使峯峯水抱流丹碧皴中通佑舶烟雲破處墾田疇權欲  
不向前途去一覽臺邊已盡收

更衣臺對隱屏尊山水周旋勝地存龍起偏喧書有院茶

荒不改御爲園

文公書院爲龍所毀舊有御茶園

道人霞上呼雞犬逋客



雲中課子孫見說溪源田可種携家直擬住星村

重遊武夷二首

方一蘭

三年重入武夷山翠壁丹崖縹緲閒笑指仙船天上架驚  
看玉女鬟邊斑空潭露冷白雲去峭石月高立鶴還倚棹  
渾如圖畫裏濯纓直沂碧澗

桃花誰道武陵深玉洞仙峯此日臨趨走每愁逐鹿客沉  
淪真慰采芝心一簣烟落釣臺古雙笛風飄石鼓陰不盡  
題詩巖外景天游策杖漫追尋

山中漫題

周千秋

不慣逢迎睡莫醒四時花下戶長扃懸巖枯樹寒猿叫路

武夷山志

卷之二十三

詩  
七言律

三十二

繞罡風過虎腥掛壁月痕山寂寂窺籬潭影水溟溟上方  
百八鐘磬動數到窮時起誦經

武夷

倪人瑞

武夷架壑有仙舟我欲從之紆遠愁危石斷連藤接路寒  
泉淒冷夏疑秋封承漢祀兼秦錄人雜高僧并羽流最是  
昔賢心目曠萬峯橫處疊烟樓

偕友讀書四曲卽事

虞瑜

日接各山氣暫幽素心同共亦何求竒情奔放先臨水古  
木蕭疎更感秋興到不妨遲月卧坐餘時許看雲流尋常  
課法難相律謾別仙凡詠莫愁



武夷紀遊

王湘

百尺飛梯倚碧霄仍穿蹬道徹岩堯曾孫綵幔雙龍結羽  
客金丹九轉燒五岳更拚游汗漫北溟何用託逍遙步虛  
擬譜朝元曲招共青童品洞簫

武夷道中賦贈李去華

錢繼登

丹山盡處見衡門云有今之靜者存欲使文章風秀曠不  
交流俗道孤尊著書卒歲名新語仗劍投入感舊恩我輩  
定交原自別路傍執手不須溫

遊武夷

徐遠

睡龍真洞鎖烟霞仙犬花津吹客楂婉婉珠流迴玉篆噴

武夷山志

卷之二十三

詩  
七言律

三十三

岫雲崑削丹葩生將靈運王維手乞取桃源石戶家畫卷  
詩飄朝暮挹幽竒歸向越儂誇

武夷漫興

金應龍

竹杖芒鞋得意遊丹山碧水倩詩酬鏡臺光照千峯曙風  
洞寒生六月秋松外鶴聲孤客夢月中簑影一漁舟欲知  
仙學非虛幻真蛻今猶坐石頭

武夷紀遊

胡維霖

雲結玄關繞百盤風颭露竹翠千竿問津客乞胡麻餠採  
藥人尋石髓餐猶有乾魚傳漢祀更無蚪蚪識秦壇長生  
欲向高真問慚媿風塵未掛冠



徐興公欲卜居武夷詩以贈之

張于壘

六六之間有夙因，幔亭遲爾結為隣。  
五千言就非常道，十二仙班降後身。  
在澗在阿隨去住，一瓢一粒佐清真。  
莫忘此日尋源興，孤負桃花片片春。

仲春遊武夷

柯元芳

先春香嫩煥山容，剗碧摩蒼圖畫中。  
漫道公餘遲憲節，好乘逸興訪仙踪。  
有聲欲靜三三水，無勢不奇六六峯。  
我亦將尋修悟處，隔巖指點淡雲龍。

秋日陪直指鯢淵張公遊武夷

錢震瀧

選勝誰云鮮，應求采真一枕已全收。  
竭來尙憶當年事，乘

武夷山志

卷之二十三

詩  
七言律

三十四

興仍銷此日愁，賸有芒鞋醉接筍。  
慚無好句答天遊，况陪霜斧經行處。  
林壑風生萬木秋。

崇安公署懷武夷二首

邵文彪

屈指遊蹤二十年，芒屨初擬武夷巔。  
似臨佳境嘗留屐，若箇名山不結緣。  
兩岸松筠封去路，一溪風雨鎖寒蟬。  
却嫌攬勝仍增憶，斗柄徒移牛女懸。

武夷入夢幾經秋，手執新編且卧遊。  
霧蛻已知隨羽化，閒雲應共此山留。  
水簾自卷晴巖雨，絕壑空藏駐楫舟。  
谷口來轅停幾許，肯餘山水意悠悠。

武夷

馬豹蔚



山結青葱水結紋  
洞門霞障畫氤氳  
見來墜薜低垂露  
看去竒峯高入雲  
控鶴人歸溪自冷  
卧龍潭靜日初曛  
丹砂豈必傳勾漏  
於此相從訪隱君

武夷卽事

彭維氏

銀榜珠宮逕透迤  
乾魚頰祀是何時  
賓雲無復曾孫宴  
禱雨猶傳仙子詩  
水面桃花流片片  
風前毛竹舞猗猗  
溪山幾閱游人老  
擬向峯頭餌紫芝

遊武夷

國朝潘球

曲水團峯似碧蓮  
迷離樹色乍生烟  
幔亭醉月猶餘地  
接笋梯雲可問天  
風送林中新牧笛  
雨留巖下老漁船  
近來

武夷山志

卷之二十三

詩  
七言律

三十五

蠟得遊山屐百丈  
磯頭看瀑懸

遊武夷山二首

劉子偉

花明九曲映清流  
鳥弄笙篁傍小舟  
遠岫層層開紫閣  
輕烟冉冉護丹丘  
金雞洞杳乘雲度  
玉女峯高跨鶴遊  
欲上幔亭尋勝蹟  
壑舡虹板爲誰留

纔從越嶠賦登樓  
又向各山汗漫遊  
載酒看花聽杜宇  
論詩說劍吼吳鉤  
羣峯遠抱三姑立  
衆壑斜通九曲流  
偶過琳宮時一顧  
生香逸韻更難酬

武夷羽人出王遠菴先生新韻見示

武夷山

彭演

杖底層巖陡壑侵  
大王峯色尙陰陰  
烟雲未闕鴻濛氣  
水



石堪紆冷淡心九曲清音消日暮千年勝跡閱升沉相傳  
舊是神仙窟惆悵吾家不可尋

赴潭陽任道過武夷山

李輔寅

武夷形勝夙聞奇便道之官一覽知山似芙蓉插霄漢溪  
如爪蔓繞屨屣恍聞鐵笛吹初罷笑問金鷄唱幾時清絕  
源頭來活水瓣香一拜紫陽祠

望武夷山

魏麟徵

武夷突兀入雲端漢代曾傳有祀壇誰御天風吹鐵笛或  
探海日浴金丸仙舟尙說藏丹壑精舍遙聞帶碧湍不到  
山中奇絕處蒼茫只似畫圖看

武夷山志

卷之二十三

詩  
七言律

三十六

泛舟至六曲登天遊閣

丁灝

曲曲溪流碧玉環停橈躡屩一躋攀閣當水繞山蟠處人  
立天光雲影間俯見檻前羅翠黛遙聞樹杪響潺湲入林  
倘遂平生願泉石烟霞日閉關

遊武夷

劉名班

溪南溪北景皆妍一水中分却九璇徑暗有雲常曳地巖  
高無樹不參天登山幾欲同韓泣遇石何曾作米顛惆悵  
煉丹人去後空遺藥鼎篆苔錢

遊武夷二首

湯永寬

一入茲山衆木蒼洞天今古表南方凝眸勝地思何極回



首真人跡已荒安得虹橋通咫尺縱存香鼎付尋常萬年  
祝聖從前事金簡還瞻盛世長

欲追丹竈沒蒿萊控鶴餘踪盡染埃誰煮龍芽留客坐我  
尋鷲嶺及時開時余急往  
虎嘯禪林猶能濟勝非無力獨愧登高不

是才幸有張仙苗裔在時與張懷一  
鍊師同遊指南為導箇中來

萬年宮值雪張煉師招飲橘隱堂 倪捷

連朝兩赴煉師約最愛交情似酒濃辟穀有方還一醉燒

丹何術便成功張真人  
在座閒宜試茗梅花下忘却敲棋橘隱

中策蹇又從溪上望幔亭殘雪見青峯

遊武夷 劉秉鎬

武夷山志 卷之二十三 詩 七言律

三十七

白雲深處淨無塵布襪青鞋一問津十里清流通宛轉千

尋列岫盡嶙峋宮中玉簡猶傳宋洞口桃花亦避秦莫道

幔亭簫鼓歇天風遺籟入松筠

遊武夷山 陸廷燦

望中各勝乍躋攀俗吏塵襟覺頓刪水曲三三歸萬壑峯

竒六六傲千山松雲曉護金雞洞花雨晴開玉女顏指點

仙跡隨處是恣探還待放衙閒

武夷茶

桑苧經傳熟見聞彈琴喜傍武夷君輕濤松下烹溪月舍

露梅邊煮嶺雲醒睡功資宵判牒清神雅助晝論文春雷



催出仙巖笋雀舌龍團取次分

重遊復古洞

邱華嶽

緩扶藜杖磴層層最愛名山最愛僧得品茶香渴已減重  
吟詩好興猶增高低水樹雲無定濃淡峯巒畫不能試問  
丹霞燒木佛寒巖煖氣幾時騰

辛丑偕懷弟君可遊武夷四首

何瀚

快同予季縱遊觀山水幽竒繪畫難沙斥兩開分洞壑竹  
篙一轉變峯巒虹橋再渡仙舟朽龍脊凌虛客胆寒高閣  
憑欄舒勝覽由來居易夢魂安

竒巖怪石競相迎鬼斧神斤削不成西幄雲隨東幄散南

武夷山志

卷之二十三

詩  
七言律

三十八

溪月渡北溪明竹籊簞笠空塵氣野籟村醪寫至情惆悵  
幔亭仙曲寂山頭何處望吹笙

紫陽精舍隱屏開露白葭蒼五曲隈憂世斯人怎不出讀  
書如我曷能來波隨溪轉流胡底石傍雲飛勢欲頽大業  
名山無限事浪遊未肯學仙回

携來長枕卧烟霞眼界翛然脫物華淺水有人皆駕筏深  
山無地不栽茶峯頭秋露神仙井溪尾春風賈客家却喜  
龍團今罷貢巖疆各產補桑麻

庚辰夏同施潯江觀察遊武夷中奢鋪望大王峯口

占

戴廷棟



尙隔名山十里遙萬峯叢裏見岩堦紫雲籠日懸丹嶂青  
藹凝烟倚碧霄縹渺幔亭通御座依稀仙路架虹橋直須  
躡履登高頂夜聽瑤池響鐵簫

遊武夷宮

塵寰何處覓仙蹤九曲溪頭六六峯鐵笛無聲人寂寂玉  
華有路草茸茸雲封架壑閉歸鶴烟鎖危磯隱卧龍我願  
息韉依止止肯分半席作茶傭

武夷山志卷之二十三終

武夷山志

卷之二十三

詩  
七言律

三十九

